

DISPUTATIO INAUGURALIS MEDICA
VIRGINEM
CHLOROSI

Laborantem exhibens,
QUAM,
CONSENSU & AUCTORITATE
GRATIOSISSIMÆ
FACULTATIS MEDICÆ

IN
ALMA NORICORUM UNIVERSITATE
ALTDORFFINA,

Pro

Summis in ARTE MEDICA Honoribus
& PRIVILEGIIS DOCTORALIBUS
more Majorum capeffendis,

Publico Eruditorum Examine
submittet

MARTINUS SCHEFFEL, Wismariensis.

Ad d. 11. Septembr.

A. R. S. M. DC. LXXXIV.

ALTDORFF

LITERIS SCHÖNNERSTÆDTIANIS.



PROOEMIUM.

Medicinam exercere, esse intueri miseriam humanam, sapiens quidam graviter & verè pronuntiavit. Quot enim queso morborum genera, quibus mortales quotidie exponuntur, Medicis non sese sistunt? Mox audias hominem, qui videbatur sanus, subitanè, intra quadrantem horæ, corripì morte. Mox querulas percipimus preces, ut agrum paulatinà inedià emaciatum, pristinæ sanitati restituamus. Nunc Hydropicus Medicorum implorat opem. Nunc Chiragricus & Podagricus. Hic agrum Calculus; illic convulsiones acerrimæ excruciant. Jam Febres Tertianæ, Quartanæ, imò Pestilenciales ipsius invadunt corpus. Jam Gangrena & Sphacelus artus exedunt. Ut omninò exindè liqueat, nullam ferme partem corporis esse, quæ non morborum subjiciatur spiculis. Agmina mehercule morborum in nos ingruunt, quibus recensendis pagellæ hæc haud sufficerent: En multa morborum genera sunt, plures species, plurimæ deniq; differentie! Mas suos peculiare habet morbos, ut Inflammationem Testiculorum, Phymosin, Paraphymosin, Priapismum &c. Et Fœminæ suos patiuntur, ut Molam Abortum, Procidentiam Uteri, Suppressos Menses, Passionem Hystericam, Picam, Malaciam, Chlorosin, &c. Quem ultimum affectum morbosum in hac Disputatione Inaugurali paucis exponere in animum induxi. Antequam autem ad hunc laborem, qui mihi satis difficilis ac arduus videtur, progrediar, suspiria ad cælum mitto, ut Deus T. O. M. humani nostri generis Creator ac Conservator,

meas cogitationes ita dirigere vellet, quò, quicquid huic chartæ committo, tendat in sui honorem ac gloriam proximique salutem ac emolumentum felicissimum. Jura JEHOVA, Jura!

§§*****§§

C A S U S.

Virgo octodecim annorum, post diuturnam frumenti crudi, cretæ & arenæ absurdam appetentiam pravumque usum, incidit in menses obstructionem per sex menses durantem, accessit faciei & labiorum pallor, totius corporis lassitudo ac Hypochondriorum nonnunquam inflatio & intumescencia. Respirandi difficultate sæpe afficitur, præsertim ubi scalæ adscendendæ. Adest etiam capitis & ventriculi dolor frequens, quare misera Symptomatum molestorum pertæsa Medicum expetit Consilium.

R E S O L U T I O.

Afficiuntur in hac ægrâ *Universus Sanguis* & exinde *Uterus*, quod ex Mensibus obstructis; *Facies & Labia*, quod ex Pallore; *Totum corpus*, quod ex Lassitudine; *Viscera Hypochondriorum*, scil. *Lien & Hepar*, quod ex Hypochondriorum tumore; *Pulmones & Diaphragma*, quod ex respirandi difficultate; ac denique *Caput & Ventriculus*, quod ex eorum dolore patet.

Morbus præcipuus qui virginem ægram affligit, & unde reliqua omnia consequuntur, est intemperies quædam sanguinis crassa, viscida, tenax, quæ poros uteri obstruens Mensiumque fluxum sufflaminans, tum Pallorem Faciei & Labiorum, ac totius corporis lassitudinem, nec non Hypochondriorum inflationem, Respirationis difficultatem, & capitis ventriculi que dolorem produciens, *Pallidus Virginum Color* sive *Chlorosis* vulgò appellatur.

Per pallidum autem colorem non intelligimus (1) quamlibet decolorationem fugacem, quæ variis ex causis internis externisque contingere potest, sed constantem & diuturnam (2) Nec intelligimus quamlibet constantem, qualis longis humorum evacuationibus aliisque causis, tam in viris quam in mulieribus succedit. (3) Nec intelligimus solum coloris vitium, sed potius congeriem quandam variorum symptomatum, quæ feminas variè excercant, & colore illo in facie sese produnt; unde præsens affectus non tantum à symptomate in sensu incurrente pallidus virginum color denominatur; sed & ad exprimendam aliquatenus morbi essentiam febris alba, virginumque, nuncupatur.

Nam tametsi mulieres nuptas viduasque hoc affectu tentatas videre liceat, quia tamen virginibus viro maturis magis familiaris est, ideo *Virginæus* morbus appellatur; itemque *Amatorius*, quod credantur virgines, ut viris reddantur gratiores, nescio quâ vanâ persuasione seductæ, album hunc colorem, rerum absurdarum esu sibi conciliare.

Ceterum causa *Procatartica* hujus morbi est diuturnus Frumenti crudi, Cretæ & Arenæ usus.

Unde multa crassa, viscida, tenax materia in toto sanguine

ne collecta, postquam ex absurdis alimentis crudus chylus in ventriculo elaboratus, & per velamentum bombycinum, cum poros tandem sibi adaptatos fecit, transcolatus, mediantibus vasis lacteis primi & secundi generis, Receptaculo, Ductui Thoracico &c. demumq; sanguini affusus, *Antecedentem* huic morbo præbuit causam.

Ista verò cruditas, uti ad omnes partes, sic etiam ad uterum, (lege circulationis) Faciem, Labia, Hypochondria, partes Respirationi dicatas, Caput, Ventriculum &c. delata, in istis partibus intemperiei & simul obvenientis obstructionis causa *continens* facta est.

Atque idcirco sanguis & humores singulis *Mensibus* per uterum evacuari soliti, fuerunt *sufflaminati*, quia minus mobiles facti ob crassitiem & tenacitatem; hinc porro eorum fermentatio minus auscultavit phasibus Lunæ, utpote quæ pro vario situ & respectu, quem habet ad nostram tellurem, varia ad nos mittit effluvia Solaria, hæc verò dum insignem solent introducere mutationem & sanguinis turgescentiam menses profluere faciunt, qui dein remittente turgescentiâ situmque mutante Lunâ sensim cessant; ast si natura rectè se habuerit, determinato tempore redeunt; nempe quando Luna eundem rursus situm & respectum, ad nostram tellurem habet; quòd autem à peculiaribus effluviis Solaribus, mediantibus certis Lunæ phasibus ad terram dimissis, dependeat hic fluxus, seminum experientia patet; Nulla enim potest dari ratio, cur hæc semina, in gremio terræ recondita, hoc potius mense progerminent quam alio, nisi quod pro vario situ, quem habet Sol ad nostram tellurem alia atque alia effluvia ad nos perveniant hoc vel illo mense, adeoque hoc semen potius hoc mense, propter introductam fermentationem germinare faciat, aliud alio. Inte-

Interea quia vitiosus sanguis in nostrâ ægrâ ad Faciem & Labia delatus, propter crassitiem & viscositatem non pervenit ad extrema vasa capillaria, item propter debiles fermentationes, non satis attenuatus est, fit ut vasa capillaria ferant limpidum & coloris expertem humorem: Hinc *Pallidus Faciei & Labiorum color*.

Totius verò Corporis Lassitudo oritur (1) à paucitate & torpore spirituum animalium, ita ut nervorum fibrillæ non à spiritibus animalibus debito modo sint interfusæ; (2) à multis tubulis nervorum & muscutorum obstructis, ut adeò tantum possint in pauciores tubulos spiritus influere, in quibus idcirco minores tantum vires possunt exseri,

Hypochondriorum distensio notatur, quia sanguis crassus, viscosus, tenax, propter obstructos vel oppilatos in visceribus meatus haud promptè refluens, distentionem fibrarum sensilium inibi molitur. *Inflatio* simul fit, quando idem stagnans crassus sanguis, crassos à se dimittit vapores, qui cum per poros viscerum penetrare nequeant, nec etiam per spiracula corporis exitum inveniant, necesse est ut Hypochondria p.n. inflent.

Respirandi difficultas porro obvenit, atque inprimis in adscensu per scalas notatur, quia sanguis tenax, crassus, & viscidus, minùs promptè per vasa pulmonaria transfluit, sed potius tardè mobilis pulmones aggravat, vesiculasque pulmonares comprimit: illaque augetur ab Hypochondriorum inflatione, quando diaphragma difficulter retrahitur.

Capitis dolor ad hæc oritur, à portionibus sanguinis crudis, vasa meningum fibrasque sensiles in capite hinc inde disten-

denti-

dentibus ; veletiam , si acrimonia quædam concurrerit , lacerantibus , aut vellicantibus , sicque utrinque solutionem aliqualem continui , cuius individuus dolor comes est , intentantibus.

Ventriculi tandem dolor non potest non inprimis adesse , tum quia ventriculus ab assumptorum crudorum , diutius quam par est intra plicas ejus interiores morantium , pondere oneratur ; tum quia à flatulentia eorundem vaporosa distensionem pariter patitur.

Quod Prognosin concernit , *Morbus hic periculosus est , cum totam corporis œconomiam pervertat , & ni maturè curetur Hydropem inducat , quia quando lymphæ ex adsumptis pravis & consimili sanguine , lenta , tenax & viscida evadit ac minus expeditè per vascula sua movetur , eadem primò distendit , mox propter substantiæ teneritatem , urgentibus successivis particulis , disrumpit , hincq; extravasata & in abdominis cavum confluens , Hydropem constituit.*

Sed tempus monet , & ægræ virginis desiderium postulat , ut ad *Curationem* accedamus , in quâ sequentes potissimum indicationes observandæ erunt (1) ut sanguinis & humorum cruditas corrigatur. (2) Obstructiones tollantur. (3) Massæ sanguinæ partiumque vitiosa recrementa evacuentur.

Quod *Imam* attinet *indicationem* , huic apprime satisficient Salia Volatilia tam simplicia quam Oleosa , uti sunt : Sal Volat. & Spirit. C. C. , Sal Volat. Succini , Spirit. Tartari Volat. , Liquor C. C. Succin. , Spirit. Salis ammon. Anisatus item Lavendulatus , Sal Volat. Oleosum Sylvii & simile quodlibet &c. Porro Aromatica , sanguini promptiorem spirituaſcentiam conciliantia , glutinososque humores resolventia , e. g. Tinct. Cina-

Cinamomi, Essentia Croci, Elixir Vitæ Regium, Elixir Proprietatis Paracelsi dulce, Elixir Uterinum Crollii; quibus acida mitiora, viscidum peccans incidentia, uti Spir. Salis & Nitri dulcis, in minore quantitate ad sociari poterunt.

Indicationi secundæ licet apta quoque sint jamdum enumerata medicamina, in specie tamen vulgò solent commendari Aperientia, sive Obstructiones viarum, vasorum, ductuum & meatuum referantia, uti Alcalica tam fixa quam Volatilia, itemque enixa ex Alkali cum Acido connubio genita; videlicet Sal. Artemis., Cichor., Centaur. min., Spirit. Aperitivus Penoti, Arcanum duplicatum, Arcanum Tartari Noricum. Huc quoque faciunt laudatissima Martialia, uti sunt: Tinct. Aperitiva Zwelferi, Tinct. Martis cum succo pomorum Borsdorffianorum parata, Crocus Martis aperitivus vulgaris, vel Beati Dn. D. MICHAELIS selectior, parandus cum Sale Aperitivo quocunque, v. g. Absinthii, Artemisæ, Fœniculi, vel Capite mortuo Spirit. Aperitivi Penoti, in Aqua Artemis. vel Cichor. soluto, dein Limaturæ Martis asperso, donec vertatur in crocum, vid. Exc. Wedel. Pharm. in Artis form. redact. l. 2. sect. 11. cap. 4. pag. 113., talis namque Crocus peregrino acido nondum saturatus, potentius absorbet, aperit. Limatura Martis etiam convenit; ob quam proculdubio in hoc Affectu insignis efficaciam est Pulv. Cachecticus Quercetani, ut ejus beneficio innumeras Virgines Chlorosi laborantes se restituisse testetur Riverius Obs. Centur. IV. Obs. 93. Egregii non minus usus esse poterit Diaphoreticum Martiale, descriptum à Clariss. Ludovico Diss. I. Pharmac. moderno seculo applicatæ pag. 330., à Nobiliss., Ampliss., Excellentiss. atq; Experientissimo Dn. JOH. MAURICIO HOFFMANNO, Phil. & Med. D. Facultatis Medicæ h. i. DECANO Spectatissimo, Dn. FAULTORE & PRÆCEPTORE æternum devenerando etiam in

præsentente affectu prodesse observatum. Nec vero simpli-
cia Galenica suâ laude hîc defraudanda sunt, utpote efficaciâ
notabili nequaquam destituta ; Poterunt igitur in gratiam
ægræ præscribi *Apozemata* ex Lign. Sasfras, Rad. 5. Aperient.
Rad. Aristol. rotund. veræ, Enulæ, Polypod., Cort. Rad. Cap-
par., Tamarisc., Fraxin., Herb. Artemis. Sabin., Absinth., Ori-
gan., Fl. Lavend., Cheyri, Schænanthi, Spicæ Nardi, Bacc. Lau-
ri, Junip. Sem. Nasturtii, Apii &c. in Aq. Fontan. & Vini
Chalyb. āā p. æq. decoquendis ; quorum singulis dosibus ad
ʒiij, iiij propinandis, Spir. Salis Amm. gut. xvi. instillari, vel Mel
Squillit. aut Sal aliquod Volatile Oleosum admisceri poterit.
Vinum vero Chalybeatum ad imitationem Sennerti, parari
poterit seq. modo

℞. *Limat. Chalyb.* ʒiij
Cinam: ʒß
Vin. alb. ℥iij

Stent in vitro clauso ad Solem octo diebus, & quotidie benè agitentur.
Loco Apozematis Vinum Medicatum sequens ægræ nostræ pa-
riter apprimè conducet :

℞ *Rad. 5. Aperient.*
Enul.
Aristol. rot. ver. ana ʒiij
Fol. Puleg.
Major.
Sabin.
Artemis. rubr. ana Mj.
Cort. Rad. Cappar.
Fraxin. ana ʒß
Bacc. Lauri ʒij
Sem. Dauci
Levisti.

Macis

Macis ana ʒj
Cinam. acutiss. ʒiij
Limat. Mart. tenuiss. trit. cribrat. & in
pet: ligat. ʒvj

Incisa & contusa includantur sacco è sindon. alb. parat. ad ʒx.

Dr. Sgr.

ʒu 2, Rannen Weins.

Tertiam denique quod concernit *Indicationem*, ut ei satisfiat, primum omnium suadeo *Venesectionem*, nam tametsi nulla in nostrâ ægrâ Plethora adsit, sanguinis imminutionem postulans, sed potius Cachexia, omnino tamen illa multum è re est, dum partim sanguinem stagnantem ad motum invitat, partim etiam vasa aliquantum deplendo, expeditiores pro reliquâ evacuatione vias præstat.

Postmodum exhibeantur *Purgantia* e. g. Pulv. Vegetab. laxativus Rolfincii, additis ol Sabin. Destill. aliquot guttis, Extr. Pilul. Foetid. panchymag. Crollii, Pilulæ Tartaræ Melanagogæ Quercetani, vel Bontii, Aloeticæ &c. vel seq. præscribantur.

℞ *Gum. Ammoniac. in acet. squill. dissol. gr. xv.*
Mercur. dulc. gr. vj
Extr. Ellebor. nigr.
Troch. Alband. ana gr. iij.
M. cum Spir. Cochlear F. Pilulæ in aur.
Num. xv. capiantur pro unâ Dosi

Vel ordinetur tale *Enema*

℞ *Rad. Alb. ʒj*
Lil. alb. ʒss.
Arist. rot. ver.
Caryophyllat. ana ʒij

H. *Malv.*
 Matric.
 Origan.
 Menth. ana Mj
 Fl. *Chamamel.*
 Sambuc. ana M℞.
 Aneth. pug. iiij
 Bacc. Laur.
 Junip. ana ℥iij
 Sem. Lini. ℥ij
 Fenugr.
 Petrosel. ana ℥j
Incis. & contus. coq. in s. q. Aq. Hordei
 Colat. R. ℥x. adde
 El. Lenitiv. ℥℞
 Hier. simpl. ℥ij
 Ol. Chamem.
 Rutac. ana ℥iij
 Lap. Prunell. ℥℞.

M. pro Enemate

Sed nec *Vomitoria* nocent, cum primis ubi nausea & propensio ad vomitum adfuerit, & ventriculus à saburrâ, sibi vel pondere etiam molestâ, liberari voluerit. Cui scopo inserviet *Aq. Benedict. Rulandi, Oxyfacch. Vomitiv. Salæ vel Cl. Ludovici, vel scq. Pulvis.*

R. *Tart. Emet. gr. ij*
 Vitriolat. gr. iiij.
M. F. Pulvis pro una Dosi.

Hisce subjungenda veniunt *Sudorifera & Diuretica* *Salæ* *Volat. abundantia*; itemque si menses nondum fluant *Emmenagogæ* passim ab Autoribus præscripta, quæ inter non ultimum locum meretur *Elixir ad Menses Beat. D. Michaelis, expositum à Cl. Deckero in Notis ad Prax. Barbetti c. xi p. m. 227.*

Tandem non negligenda erunt medicamenta externa
uti *Balnea* , eaque vel *Naturalia* , *Thermarum* nomine nota,
dummodo non sint nimis *Exsiccantia* aut *Adstringentia* ; vel
Artificialia seq. modo paranda.

℞ *Rad. Lil. alb.* ℥ij
 Arist. Rotund. ver. ℥j
 Bryon.
 Valerian. ana ℥ss
 H. Major.
 Salv.
 Matric.
 Abrotan. ana Mij.
 Chamam.
 Fl. Sambuc. ana Mj.
 Bacc. Lauri
 Junip. ana ℥vj
 Sem. Fœnugr.
 Levis.
 Dauci
 Nasturt. ana ℥ij
 Sulphur. viv.
 Salis Ammon.
 Comm. ana ℥vj

Decoq. in s. q. Aq. Font. vel solâ vel addito vino prò dictioribus
F. Balneum cui ægra quotidie insideat. Vele ex enumeratis ingre-
dientibus , cum vino decoctis , spongiæ imbuantur pro fotu
uterino ; vel vapor inde adsurgens in sellâ perforatâ excipiatur.
Multum quoque prodest *Lixivium* scoriarum *Reguli Antim.*
Mart. supra tegulam candentem effusum , & similiter admis-
sum.

Adhæc Suffimigia Utero parentur ex Lign. Sabin. , Junip.
Gumm. Opoponac. , Sagapen. , Ammoniac. , Galb. , Borace , Suc-

no&c. pulverisatis, & vel solis carbonibus injectis, vel cum mucilage Tragacanthi prius in Trochiscos redactis, Halitus quoq; penetrantissimus ex Sale Tartari & Sale Ammon. commixtis, atque Glauberiano modo utero applicatis, multum juvat.

Restat ut Virgini nostræ *Dieta* commendetur salutaris, in legitimo rerum Nonnaturalium usu consistens. Sit ergo *Aer* purus ad calidum vergens. *Cibus* sit εὐπεπτός & εὐχολός, isque humidus potius quam siccus. *Potus* sit Vinum & Cerevisia benè defæcata. Moderatæ motus, quietis, *Somni* & *Vigiliarum* alternationes existant: *Excernenda* ad consuetas naturæ leges urgeantur. *Animi* tandem *Pathemata*, sanguinem Spiritusque excitantia ac diffudentia, commendentur.

Atque hîc, post persolutas DIVINO NUMINI pro benignâ assistentiâ gratias, terminalia sunt. Tu verò, *Lector* Benevole, si forsan hîc nonnulla minus ἀκριβῆς dicta reperiēs, facilè mihi condonabis, dum ex Belgio reduci, & nunc in Orbis Paradisum Italiam iter paranti limatiora scribere ocium denegavit negociolum. Vale
igitur & Fave.





ADDITAMENTA.

I.

I N edendo nullus ordo ciborum servandus.

II.

Ventriculus non est causa mala concoctionis.

III.

Specificum stomachicum non datur.

IV.

Inedia in morbis Pituitosis prodest; in morbis verò Acutis nocet.

V.

Cardiaca Spirituosa solum profunt, ubi quasi ex orco revocandi sunt egri, aliàs nocent.

VI.

Quòd Gallina itemq; columba dissecta & capiti imposita necessario debeant esse nigra, vanum: usus autem non caret ratione.

VII.

Neg, vana sunt remedia externa carpo applicita in fugienda Febre.

IIX.

Quòd Canes, inter multos, suos agnoscant heros, sola Transpirationum diversitas in causa est.

IX.

Pedilavia promovent somnum, non quia Pedibus cum capite consensus peculiaris, sed ratione circulantis sanguinis.

X.

Igni assidentes facilius prolabuntur in somnum, quia corpus fit instar pertusi vasis, ita ut Spiritus, permixti humoribus, faciliùs in auras avolent.

FINIS.

